

De Brülisauer Sepp – T: M. Halter M: M. Matter

De Brülisauer Sepp chunt us Rossrüti
Vor drissg Johr isch ihm das denn fasch chli z'vil gsi
Isch ghockd i sin Mazda
Het grüeft "mach mal Platz da"
Und isch uf gradem Weg uf Chünste City

Die Chäsi det im Dorf het ihm guet gfalle
Er het si gkauft, sich öppis la ifalle
Het Chäs nid produziert
nei Meischerwerch kreiert
Do het sich d'Konkurränz müesse aschnalle...

Doch irgendwie het's ihn dunkt, s'lange nid ganz
Er het sich drum no usgläbt bim Taxitanz
die Kreativität
het meh Kapazität
und gli drufabe het er lut grüeft: "Ich han's!"

Isch Bodeheizigsröhre go verlegge
denn no schnell d'Säntisrundfahrt go abchegge
ganz fescht im Männerchor
als erschte Startenor
Het alles gmacht mit Muet und ohni Schrecke

Und eines Tages, so wirts hüt no verzellt
Het e wunderschöni Frau sis Herz ganz erhellt
D'Sibylle die gueti Fee
Het mit em Sepp grad zwee
Luusbuebe uf die wunderschöni Welt gschteilt

Ja s'gäbt no schtundelang Gschichte z'verzelle
Vo Turboraclette, Joghurt, Chäsergselle
Doch alles müend ihr Lüüt
Denn doch nid wüsse hüt
Gönd lieber mal verbii öppis go bschtelle

Bis hüt sind also jetzt drissg Jöhrli verbi
De Sepp und d' Chäsi sind de Chünter treu gsi
Drum danke mir dir fescht
Und alli gladne Gäscht
Gratuliered herzlich zu dim Drissgi!